

Sigle: StA1495

Aufbewahrungsort: Universitäts- und Landesbibliothek Sachsen-Anhalt

Signatur: Ink II 2196, 4° (7)

[AIr,01] Ancelmus vrage

van deme bitteren lydende Ihefu Crifti

[AIIr,01] ¶ Hyr heuet syck an funte Ancelmus vraghe

Van deme lydende Crifti

[[A]] Ncelmus was eyn hyllych

man. De hadde dar langhe

na geheftan. Dath he gherne

hadde weten. Wat vnse here

hadde beseten. Nu moghe gy

horen wath he dede. He was

ftede an fyneme bede

Beyde nacht vnde ock den dach

An fyneme wenen dat he lach

He sprack Maria bloyende rose

Du lylve vnde tzidelofe

Gades derne balfemenfchryn

Lath my huden werden schyn

Dattu my de rede mochteft faghen

Der ick dy gherne wolde vraghen

Ick wolde now na duffer ftund

Horen van dynes fuluen mund

Wat dyn kynt hadde befeten

Dat wolde yck vrowe gherne weten

Unde wat vnse here ys boschen

Dat du myt oghen hefft anghefen

Konde yck vrowe dath vorweruen

So wolde yck denne gherne fteruen

Ancelmus plach des mennich iar

Toem leften wart he eme apenbar

Dar se ene an syneme bede vant

Se sprack tho em altohant

Ancelme fynt yck hebbe vernamen

Dorch dyn beth fzo ben yck ghekamen
Van deme hemmel hyr tho dy
[AIIv,01]Nu fage wat willestu my
Do ancelmus dat vornam
Dat Maria tho em quam.
He wart vorfchrecket do he fe sach.
Thohant maria tho em fprack
Ancelme nw entfruchte nicht
Lath my de rede fyn vntricht
Worvmme heftu my gheladen
Nu fpreck my tho dy fchal nicht fchaden
Ancelmus vil nedder vppe fyne kne
Em was wol em was ock we
Eme was <i>ue vnde ock lede
Uil beuende fprack he syne rede.
O Maria du hemmelfche koninginne
Ick beghere myt alle myne fynne
Dath ick gherne wolde weten
Wat dyn fone hadde befeten.
Wo he fy tho deme dode ghekamen
Wente yck werlike hebbe vornamen
Als eme de marter erft ghefchach
Dath du dach vnde nacht
Stede wereft by em bleuen
De ewangeliften hebben beschreuen
Malck wat he dar hadde ghefen.
Mer fe en dregghen nicht auereyn
Se hebben wefen tho vnde van
Darvmme wet ick nenen man
De my de warheyt kan faghen
Uan fynen iamerlyken daghen
De em thoquemen allghemeyne
Mer du leue iunckfrowe alleyne
Darvmme fzo wil ick vraghen dy
[AIIIr,01]Eddelle iunckfrowe berichte my
[[A]]Ncelme du bekoreft my vyl fere.

Ick wil dy faghen eyne mere
De faltu al wol vorftan.
Vnde louen my ock funder wan
Solde ick faghen de groten not
Darvan myn fone leth den dot
Wo ene de iöden vanghen toghen.
Unde ene fo iamerliken floghen.
Scholde ick dat altomale fpreken
Myn herte fcholde my thobreken
Dat ick myt mynen oghen anfach.
Doch dat ick nicht troren en mach
Synt dat god myn innighe troft
My van funden hefft verloft
Nw wil ick dy de warheit ghen
Allen dath ick hebbe ghafen.
[AIIIv,01] [[M]]Aria erft wyl ick dy vraghen
Ick bidde dy dattu my willeft faghen
Wo yt erften quam to pranghe
Dat dyn fone wart gheuaghen
¶ Ancelme hore wat ick dy faghe
Dat fchach an eynem guden donredaghe
Do he myt fynen iungheren fat.
Lefliken dat he dar myt en at
He gaff en fyn vlefch vnde fyn blodt
Dat he fodder vor fe godt.
He dede noch mher dorch fyne ghute
He wofch en alle ere vöte
Do he ere vöte hadde ghedwaghen.
Beghunde he iamerliken to klaghen
He fprack ick fegghe iw vorware
He fyt hyr myt vns eyn in der fchare
[AIVr,01]De nw lefliken myt vns eth·
De noch huten my vorreth
We eme. he wert darvmme verlaren
He were vele beth vnghebaren
[[M]]Aria do duffe fware wort

Alle de iungheren hadden ghehort
Sloghen fe ock de oghen nedder.
Edder sprecken fe dar ichtes wedder

¶ Ancelme do Se horden duffe rede
En was iamerliken lede
De ene fach den anderen an
Johannes was so fere began
Als eyn dode was he gheschapen
Vp gades bruft wart he vntflapen
Se repen alle leue here
Segghe vns den rechten droghenere
[AIVv,01]Lath vns dat wesen bericht.
Eyn yewelick sprack byn ick des nicht
Peter sprack meyster myn
Ick wet wol dat ick des nicht en byn
Nummermeer wil ick dy afftan
Ick wil my by dy laten van.
Ock spreke ick deit des not
Ick ga myt dy an den dot.

[[M]]Aria wat sprack unfe here
Do fe vorfagheten aldus fere
Vnde do he duffe groten wort
Uan funte Peter hadde ghehort

He sprack Peter ick rede <d>y
Dreye werftu vorfaken my
Er de hane ghiffit fynen krath
Werftu redende myt der vart
Dure fwerende vnde gheyn.
Du hebbeft my ne myt oghen feyn

[[M]]Aria do fe duffe rede dreuen.

Wor was iudas do ghebleuen

Iudas de lep althohant.
Dar he de vorften der iöden vant
He sprack wat wille gy my gheuen
Ick hebbe nw eyn dinck ghedreuen
Ick wille iw wifen eynen man

Dar gy langhe hebben na gheftan
Mynen heren Ihesum crift
Do gheuen fe myt ghroter lift
Derticher penninghe an sine hant
He sprack gy scholen fyn bokant
Dat myn meester Ihesus
Vnde fyn iungher Jacobus.
[AVr,01]Synt fo lyke an ener bere
Dath gy konen nummermere
Er antlath vnderfcheyden
Darvme schole gy beyden
Weme ick kuffe vor fyne munt
Den schole gy tho derfuluen ftund
Myt harden dinghen taften an
Dath ys de rechtfschuldighe man
Lyftighen schole gy ene leyden
Dath he nicht moghe van iuw fcheyden
[[M]]Aria war was dyn fone bleuen.
Do iudas dyt hadde dreuen
Myn fone gynck an enen garden
Dar heit he fyne iungheren warden
He sprack yck wil van yuw gan
Unde beden mynen vader an
[AVv,01]Gy scholen waken vnde beden
Dat gy an nyne bekoringhe treden
[[M]]Aria wat weren de bede
De he fyneme hemmelfchen vader dede
[[A]]Ncelme em was fo rechte we
He fath nedder vp fyne kne
Vnde sprack. vader milde godt
Ick wille vervullen dyne gebodt
Ick byn bedrouet wente an den dot
Van der iamerliken not.
De my huden is boreit
Van der bofsen iodescheit
Ick bidde dy leue vader myn

Mach dath an dyner / hulde fyn
Dath my de pyne vorga
Vnde de martere nicht entfa.
Iodoch vader wo dath fy
Dyn wille fchal fchen an my
Ick wille de pyne nicht entflen
Wat du ghebuft dat fchal fchen
[[M]]Aria dit hebbe ick wol ghehort
Berichte my de rede vort
Als he leth van fynem bede
He ghinck al wedder vp de ftede
Dar he fyne iungheren wufte
Er eyn lach vp des anderen brufte
Unde were iamerliken gefchapen
Uan grotem iamer weren fe vntflapen.
He fprack to en myt finem munde
Wonode dath gy ene ftunde
Wakeden alfzo ick hadde ghebeden
Set iudas kumpt herghetreden
[AVIr,01]Eme geit nenen flap an
Mit eneme kuffe tret he mi an
[[M]]Aria leue iunckfrowe nw fegghe
Wo brochte iudas dath tho weghe
An der ftunde do dath fchach
Als iudas mynen fone fach
De ioden ftunden by em herde.
Se quemen lopen mit der verde
Recht alfzo ein dauendich hunt
Iudas kuffede mynen fone vor finen munt.
He fprack. godt grote dy meifter myn
Myn fone fprack dath moth fyn.
Dat du my aldus fcholdefc vorraden
De ioden quemen herwaden.
Mit kulen vnde myt fcharpen fperen
Myn fone fprack wene foke gy heren
[AVIv,01]Se fpreken ihesum den fuke wy

He fprack yck bynt. do villen fe
Twye vp de erden dale
Myn fone fprack thome drudden male
Soke gy my fzo gripet my an
Vnde latet myne iungheren gan
Tohant wart he anhegrepen
Vnde iamerliken begunden fe ene tho flepen

[[M]]Aria nu berichte my

Weren de iungheren dar ock alle by

Edder weren fe van dar <g>hegan

[[A]]Ncelme dar bleff nicht eyne ftan

Se lepen wech vnde worden vorverth

Mer Peter hadde dar eyn fwerth

Datfulue toch he darvore

Vnde how eyne ioden aff eyn ore

Do myn fone dath anfach

He makede ene funt vnde fprack

Tho funte Peter duffe rede.

Steck dath fwert yn dyne fchede

We myt fwerden wil kyuen

De moth darvnder doth blyuen

Menftu wolde ick my weren

Ick wolde my vyl beth vntferen

Vnde behouede ick tho hulpe yenniger lude

Myn vader fende my wol bude

Twelffhundertdufent enghelfchar

De fcholden my helpen apenbar

[[M]]Aria ftundestu by em harde

Do fe ene aldus gheuanghen hadden

[[A]]Ncelme des fchaltu syn bericht

Ick en was dar leyder nicht

[BIr,01]Ick was fyner worden bifter

Tho funte Iohannes moder myner fufter

Ick was an dat hus ghegan

Darvmme fo wufte ick dar nicht van

[[M]]Aria wufteftu dar nicht van

Wo let men dy dat vorftan

Hore nw iamerlike nod

Wo fachte men my dath entbodt

De iungheren quemen herghelopen

Scriende wenende vnde ropen

Malck de rep vth fynem munde

Owe der iamerliken ftunde

Dat wy worden ye ghebaren

Maria nu is dat al verlaren

De iôden hebben an deffen ftunden

dyn kynt gheuanghen vnde ghebunde<n>

Leyder des en wet vnfer nen

War fe myt eme hennethen

De warheit kone wy dy nicht faghen

Ofte fe ene hebben dot gheslaghen

Se toghen ene also eynen deff

Wy weten nicht war he bleff

[[M]]Aria was dy do nicht lede

Do du horedest duffe rede

Ancelme dat mochtestu wol prouen

wer yck my ichte mochte bedrouen

Myn hertte wolde my thobreken

Myne mundt kunde nicht mher spreken

Ick konde noch horen edder seen

Nicht wolden my dreghen myne beyn

Do weren ock vullenbracht de word

De ick van fyneon hadde ghehort

[BIv,01]Do ick na deme olden fede

Myn kynt brochte tho der karken mede

Unde ick an de karken ginck

Simeon myn kynt entfencck

An fyne armen vnde sprack.

Maria du leueft noch den dach

Dath van iamer vnde van fmerte.

Snyt eyn fwert dor dyn herte

Ancelme dat was do gheschen.

Do ick den kummer hadde ghesen·
Do quam al tho derfuluen ftund.
Eyn fwert an mynes hertten grund.
[[M]]Aria wes ledeftu dan
En woldeftu nicht na em gan
Als ick duffe fware word.
Van den iungheren hadde ghehort.
Ick vnde Maria magdalene
Lepen in der ftund allene.
Went wy an de ftede quemen
Dat wy mynen fone vornemen
[[M]]Aria berichte my de rede
was dath in derfuluen ftede.
Dar he des auondes hadde ghefeten.
Vnde myt fynen iungheren ghegeten
¶ Ancelme hore dat faltu weten
Eyn de was Annas gheheten.
An fyn hus wart he gebracht
dar bleff he de langhe nacht
Dar vrageden fe na fyner lere.
Vnde wer he godes fone were
He fprack wat is dat gy my vraghet.
Ick hebbe dat apenbar ghefaget
[BIIr,01]Nich hemelick weren de wort.
Mennich heuet van my gehort
Se wetent wal gy moghen fe vraghen.
Se moghen yuw de warheit faghen.
[[M]]Aria nu wil ick dy vraghen
wart he van Annas icht geflaghen.
Ancelme des fyftu bericht
By em ftunt eyn bōse wicht
De fprack biftu eyn dore.
Vnde floch myn kynt an fyn ore
Saltu den biffchop fzo tofpreken
Ick wil huten an dy dat wreken
Myn fone fach den iōden an

Offt ick nicht arges ghespraken han

Warvmme fleyftu my dan:

Maria fegghe my vorbat an.

[BIIv,01] Wat wart em mer tho leide dan

Se deden em grot vnghefoch.

Se nemen eyenen fnoten dock.

Unde bunden em fyne oghen tho.

De nacht went an den morghen vro

Dat he myth oghen nicht en fach

Vnde gheuen eme mannighen flach.

Wen fe ene hadden gheslaghen

So spreken fe du falt vns faghen.

Offtu eyn rechte profete byst

Uan weme du gheslachen byst

Deffer smaheyt der was vyl

Se dreuen myt em ere fpyl

[[M]] Aria wereftu dar ock by

Dar fe ene floghen dat fegghe my.

¶ Hore nw wat ick dy seghe

[BIIIr,01] Wo rechte iamerlike klaghe

Ick was in dat hus ghekamen.

Do dat de iöden hadden vornamen

Se leten my ftoten vter dore

Dar vant ick elleine vore.

Marien Magdalenen.

Schryen vnde wenen

Se fprack. O were ick dar ynne

Maria reine koningynne.

Wy vunden eyn hol in der dore.

Thohant lepen wy darvore

Vnde feghen alle de noth

De men myneme fone both

[[M]] Aria leue konynginne

was dar numment myt em ynne.

¶ Iohannes was dasyn ghekamen

Vnde hadde Peter myt sick ghenomen

Do de vrowe Petrum fach
De de dore tho sluten plach.
Se fprack du bist der iungheren eyn
Ick hebbe di wol by em ghefein.
Thohant fzo wart he vortzaghet.
Ick byn des nicht vormaghet.
He gynck by dath vure ftan
Thohant quam dar eyn ander gan.
Se fprack tho em defulue rede
Peter fprack. ick was dar io nicht mede
Tome drudden male grotede em eyn
He fwor he hadde en ny ghesehn
[[M]]Aria wat dede vnfe here
Do Peter vorfakede en aldus fere.
Do he van peter dyt anfach.
[BIIIv,01]Myn fone ene tohant anfach
Der hanenkrath wart ghehort
Do dachte Peter an de wort
De he van / em hadde ghehort
Do fe tofamen hadden gheten
Dath he fyner folde vorfeken
Do he dachte vp de mere
He wart fchriende alfzo fere
Uan rowen lep he vth der dore
Dar vant he my iamerliken vore
My dar vppe der ftraten lopen
Schryen wenende vnde ropen
Do my Peter anghesach
He wart fchryende vnde fprack
Owe herteleue vrowe
Den groten iamer den yck fchowe
[BIVr,01]Van dynem leuen kynde.
He is alle de werlt tho fwinde.
To vullen kan ick di nicht fagen
Wo en de iöden hebben geflagen
Do lep Peter van myk

Under einen fteyn vnde hode fick·

[[M]]Aria nw lat my vorftan
wat wart em mher tho leide dan

Hore wo do vort ghefchach
des morgens do vpgynck de dach
Annas hadde ene de halue nacht
He wart vort tho Cayfas ghebracht
Als men ene vppe de ftraten toch
Wo fere dat ick to em vloch.

Als ick fyn antlat anfach.

Do leuede ick ne leyder dach
Synn har weren em vtghetoghen
Blodich weren eme fyn oghen
Syn antlat was em ghewunt
Dat blot lep auer fynen munt.

Syne nefē was em thoftot.

Syne wanghen weren em beblot

He was likerwys ghedan

Alfzo eyn vtfetefch man

Umme fynen hals ick ene grep

Luder ftemme dath ick rep

Owe herteleue fone

Wor ys nw de grote fchone

Dar yck my tho to vrowende plach

Wen ick dyn antlat anghefach.

Ioduthe we vnde wapen

Wo iamerliken byftu ghefchapien

[BIVv,01]Du bift alfzo eyn deff vorblint

Owe myn hertteleue kynt

Dit was de iamer den ick dreff

Do men ene toch alfze eyenen deff

[[M]]Aria nw berichte my

Do de iōden aldus van dy.

Sulken groten iamer feghen

Wolden fe dath wol vordreghen

[[A]]Ncelme dath fchal dy vntfarmen

Se grepen my bi mynen armen
Vnde toghen my van mynem fone
Se fpreken my fzo vele to hone
Se fchouen my hyr vnde dar
Unde fpreken dath al apenbar
Ick wolde noch fo langhe pranghen
Ick fcholde fuluen by eme hanghen
Dat volck quam thofamende gan
Recht offt men ene fcholde han
[[M]]Aria haddeftu nicht iennighen troft
Dath he syck ichtes hadde gheloft
Ancelme dath fcholtu weten
Welken troft ick hadde befeten
Ick hapede vppe fyne wifen wort
Wen de de ióden hadden ghehort.
Dath he myt finen wifen reden
Uan den ióden fcholde treden
Do he manck dath volck quam
Do ftunt he recht alfo eyn lam
Eme ginck nein wort vth fynem munde
Recht offte he nicht fpreken konde
[[M]]Aria nw berichte my.
Was ihenich hopene mher by dy
[Clr,01]¶ Ancelme du fchalt fyn bericht
De hopene halp my leider nicht
Ick hapede dath myn leue fone
De was klenlick vnde fzo fchone
Vnde fo rechte wunnichlick.
Syn antlat was fo fuuerlick
Wen fe dath hadden anghefeen
Dat eme nicht quades hadde ghescheen
Dath fe fick fyner fcholden vntbarmen.
Do hadden de vnfalighen armen
Syn antlat fo fere thoflaghen
Dat id van iamerliken plaghen
Was vorwandelt alfo sere

Recht offt he vtfetech were

[[M]]Aria wat fchult gheuen em de ióden.

Darvmme dat fe ene wolden doden

[CIv,01]¶ Ancelme hore wat ick dy faghe

Wo fe begunden ere klaghe.

Se fprken Cayphas leue here.

Wy bringhen hyr eynen droghenere

Uan em fuluen horden wy fpreken.

Wo he den tempel wil thobreken

Unde wen he en hadde nedderbraken

So wolde he ene weddermaken.

Bynnen dre daghen alfe he was

Do fprack tho eme Cayphas

Biftu Criftus dat fegghe my

Myn fone fprack al <f>ede ick dath dy

Du wult my doch nicht louen

Mer gy fcholen noch alle prouen

Dat de hemmel fchal apenftan

Vnde feyn myt iuwen oghen an

So fchole gy feyn des mynschen fone

By fineme vader in deme trone

Sitten tho der vorderen hant

So fchal iw wefen bekant

Als dit Cayphas horde vnde fach

He thofnet fyn klet vnde fprack.

Wath behoue wy tughe mher.

He is eyn recht droghener

Wat wille gy myt eme began

Se repen alle men fchal en an eyn crutze flan.

Do ick horde duffe rede

My was fo iamerlike lede

Dat van iamer vnde van fmerte

Sneth eyn fwert al dor myn herte

[[D]]o du dit haddeft ghehort

wat iamerf deden fe eme vort

[CIIr,01]Do fe dyt hadden ghedreuen

Vnde Cayphas dat ordel hadde ghegeuen
Dath men ene fcholde doden.
Thohant toghen ene de iōden.
Tho Pylatus vor dat richte
Do repen de vyl bōsen wichte
Pylatus leue here
Wy brynghen dy eynden droghenere
Nw hore wat he heffe ghedreuen.
He fprack men fchal den tyns nicht gheuen
Deme keyfer dat hefft he ghefaghet
Leue Pylate dat fy dy gheklaghet.
[[M]]Aria nw wil ick dy vraghen
Ick bidde dat tu my willeft faghen
Do Ihesus vor pilatus quam
Weren em alle de iōden gram
[CIIv,01]Edder was dar iennich mede.
De dar recht gaff fynen reden
¶ Ancelme dat wil ick dy fegghen
Wo dar vele iōden deden.
Den he mannich fchone teken
Hadde ghedan by eren feken
He leth ere lamen gan
He leth ere doden vpftan
Ock leth he ere blynden feen
Loue my dar was erer neyn
Se repen al ghemeyne
Beyde grote vnde de klyne.
Men fchal Ihesum an eyn crutze flan.
He hefft vns noch tho leyde ghedan
Wo langhe fchal de tufcher leuen
Dath was de troft den fe em gheuen.
[[M]]Aria do ene Pilatus fach
Wat is dath he tho em fprack
¶ Ancelme dath wil ick dy faghen
Pylatus begunde em tho vraghen.
Na fynem ryke vnde wol he were

Do sprack tho em wedder vne here
Pylate du schalt fyn bericht
Myn rike is vp erden nicht.
Menftu were myn rike hyr
Myne dener scholden wol ftriden vor
Unde lofen my van dyner hant·
Pilatus sprack ick fy bekant.
Vnde proue wol in dyner bere
Du byft eyn konyng vnde eyn here.
Myn fone sprack yck hore van dy
Su prekest aath yck eyn konyng fy
[CIIIr,01]Ick byn an desse werlt ghekamen
Unde hebbe de mynscheit anghenamen
Dat ick in der warheit fy
Pylatus sprack berichte my
Wat is de warheit. do swech myn fone.
Unde hadde fynes mundes schone.

[[M]]Aria berichte my de rede
Worvmme dyn fone dat dede
Vnde dat tu my woldest faghen
Do pylatus wolde vraghen.
Dat he em de warheit nicht wolde saghen

¶ Ancelme dat fy dy ghefaghet
He hadde so ghrote rede ghevraghet
Hadde myn fone ene bericht
So en were he ghedodet nicht.
So en hadde ene neyne noth tho dreuen
So were de mynscheit verlaren bleuen.
He wolde dor des mynschen willen
Gherne fyne rede stillen

[[M]]Aria do dit was ghescheen
fegghe wat heftu mher gheseen

Pylatus sprack to den ióden
wes wille gy duffen mynschen doden
Nene schult moghe gy eme gheuen
Darvmme latet ene leuen

Do repen de iōden altomale
Myt eynem menichliken grale
He hefft dat lant al dorghethaghen
Vnde hefft des volkes vele bedraghen
Uan galilea wente her:
Dyt ys eyn recht droghener
[CIIIv,01]Do pilatus dat vornam.
Dat he van galilea quam
Tho Herodes dat he ene fānde
De was eyn richter van deme lande
Se kyueden beth an de <t>ydt
Do wart verſchonēt ere ſtrydt
[[M]]Aria berichte my de rede
Wat herodes myt em dede.
Als herodes ene ſach.
Do ſchach em ne ſo leuen dach
He horede van em faghen
Darvmme begunde he em tho vraghen
Effte he were defulue man
De Lazarum van deme dode vp leth ſtan
He vraghede offt he dat were
Darvmme fyn vader ouer mennich iar
Hadde de kynder ſlagen dot
Hore wat he eme bodt.
He ſprack wiltu my eyn teken wyfen.
Ick wil dy deger daran pryfen
Dat ick dy helpe van den iōden
Uppe dat ſe dy nicht laten doden
Myn fone fwech tho aller ftunt
He dede ne vp fynen munt
[[D]]O dyn fone dit hadde vorfwegen
Wolde herodes dit wol vordreghen.
Herodes vragede do nicht mere
Men he beſchimpede mynen fone sere
Eyn wit kleth thoghen ſe em an.
He ſprack ſe ſcholden wedder gan

Tho pilatum eren heren
[CIIIv,01] [[M]]Aria nw wolde ick gherne weten
Wat he mher hadde befeten
Do he van herodes quam
Unde he nene schult an eme vant
Als Pilatus ene fach
Uan thorne he tho den ióden sprack
Kame gy echter myt deffem manne
Den ick tho herodes fände
Wille gy dat wi ene quytgeuen
Vnde laten ene leuen
Men plecht doch eyenen vanghen man.
Dor den pafchen laten gan.
Nw latet em der hoch<ty>e neten
Unde latet ene gan dath wil ick heten
Se repen men fchal ene an eyn crutze flan.
Vnde laten Barrabas gan
He wolde fyck nicht myt eme beweren.
[CIVv,01] [[M]]Aria nw lath my vorftan
Wat hadde Barraban ghedan
Barrabas hadde mannich iar.
De lude mordet apenbar.
He was myt eynem morde begrepen
Darvmme fcholde men ene flepen
Vnde van deme lyue hebben ghedan.
Den leten fe do quythghan
Owe auer de bõfe ióden
Worvmme wolden fe ene doden
Vnde den fchuldighen laten gan.
[[M]]Aria wat wart dar mher began
Hore wo dath vort gheschach.
Pylatus tho den ióden sprack
Gy feyn wol dat ick nene schult
An em vynde darvmme hebbet dult
[CVr,01]Ick wil ene laten fere flan
Vnde laten ene wech gan

Ick nene fchult an eme kan vynden
Thohant leth he mynen fone bynden
Vmme ene fule vnde leth ene flan
Dartho ghyngghen twe ftarke man
Wen de twe weren mode flaghen
Quemen dar ander heerghefaghen
De floghen fzo fware fleghe
Dath van iamerliker plaghe
Uan deme houede wente an de beyn
Ick nichts heles konde feen
Se deden em mher tho torne.
Eyne krone makeden fe van dorne.
Als fe ene fere hadden gheflaghen.
De druckeden fe eme vp fyn braghen
[CVv,01]Pylatus brochte ene manck de iōden
He fprack wy willen ene nicht doden
Ick hebbe eme ghenoch tho leide dan
Se repen alle men fchal en han
Dyt fynt klaghelike wort
[[M]]Aria nw berichte my vort.
Wo fe dar recht myt eme helden
Unde dat ordel auer em geuen
¶ Ancelme merke dit vyl rechte
Pilatus reep her fyne knechte
Se fcholden de ftadt al vmmelopen.
Unde dat volck tohoperopen.
Se repen lude ghat hyrheer
Unde nemet iuwes rechtes war
Se quemen lopende al ghemeyne
Beyde ghrot vnde kleyne
Se ghyngghen alle vor dat rych<te> ftan.
Pilatus fprack nw nemet den man.
Se repen alle men fchal ene han
He hefft vns ghenoch to leyde dan
Do pilatus dat vornam
Dat alle dat volck lopen quam

Vnde wolden ene doden.
He dwoch de hende vnde sprack to den iöden
Ick wil wesen fynes blodes.
Vnfchuldich vnde fynes dodes
Se repen fyn blodt schal ane wan.
Vp vns vnde vp vnse kynder gan
Pilatus dede der iöden willen
Do he se nicht konde ftillen
He ghaff dat ordel auer em
He sprack nw flepet ene <h>en
[CVIr,01]Nu gy ene willen han
Do la<t>et Barrabas loes gan
[[M]]Aria fage my wat se dreuen
Do dat ordel was ghegeuen
He moeste syn crutze fuluen dregghen
Dat was so grot vnde vnuorwegghen
Dat he dat nicht dregghen konde
Se nemen enen man tho denfuluen ftunden
De man droch dat crutze vore
De kyndere worpen ene myt hare.
Itlike vrowen wenden fere
Do sprack tho en vnse here
Wath ga gy wene<n>de auer my
Wenet dar yd wenendes noth fy
Auer iuwe kyndere des is noth
De my de grote smaheyt doth
[CVIv,01]Thohant thogghen ene de iöden.
Dar se ene wolden doden
Tho Caluarie vp de stede
Dar se eme den doth andeden
Maria wo wart em ghedan
Do se ene wolden ynt crutze slan.
Hore nw iamerlike rede.
Wo se mynen fone deden
Ick sach myt mynen oghen
Dat se eme fyne kledere vthtogghen

Darmede was grot welde.
Se dobbelden wol den rock behelde
Ghrot iamer was my kunt
Als ick ene tho derfuluen ftundt
Szo iamerliken naket an fach
Do leuede ick ne fzo leiden dach
Myn herte konde des nicht liden
Ick bant eme vmme fyne fiden
Uan mynem houede enem dock
Id crutze dath he fuluen droch
Dath worpen fe dar nedder
Vnde nemen mynen fone wedder
Unde worpen ene vppe dath crutze dale.
Dre naghele hadden fe van ftale.
De weren ftump vnde vmbehende
Se floghen twe dor fyne hende
Myt fzo ghroten hamerfleghen
Hore wath ick dy nw wil faghen.
Als he by den armen was ghehanghen
Syne vôte konden nicht afflanghen
Unde konden nicht tho den holen reken.
[DIr,01]Dar de neghele fcholden fteken
Se bunden eyn feel vmme syne beyne
Dar begunden fe to teynde.
So fere dat em de hende reten.
Dath fchaltu ock vorware weten.
Em knakeden alle fyne lede
Ock fneterden eme fyne tenen
Syne tunghe an deme munde
Do quam an derfuluen ftunde
Symeonis fwert al dor myn herte.
Uan der iamerliken fmerte
[[M]]Aria dit fynt fware rede.
Saghe my wat fe eme mher deden
Se richteden vp myt gro<t>er not.
Dat crutze was fwar vnde grot

Dat fe des boren nicht en konden.
[DIv,01]Dar moften mher lude kamen tho der ftunde.
Als fe dath hadden vpggericht.
Do en konde ick leyder nicht
Mynes fones vote langhen.
Wente he was fo hoghe ghehanghen
By deme crutze dath ick ftut
Uth fynen wunden quam dath bloth
Langhes da<s> crutze neddervleten
Vnde wolde vp de erde gheten.
Do dat myne oghen feghen an
Dath fyn bloth dar nedderran
Thohant was ick dar bereyt.
Unde leth dat lopen vppe myn kleyt
Unde leth id lopen in mynen fchoth
Do worden myne kleder roth
Darvore wit hadde ghewefen
[DIr,01]We my fach deme mochte grefen
So iamerliken was ick ick belopen
Mit fynes hilghen bloddes dropen
[[M]]Aria wat wart dar mer ghedan
Als fe dit al hadden ghedan
Hore nw iamerlike rede.
Wo vele me em tho lede dede
Twe morder weren dar gheuanghen.
Dar twiffchen hadden fe en ghehanghen.
Se fpreken ere fnode reden.
He mofte nicht wefen myt vrede
De dar was to der luchteren hant
He fprack em tho biftu gefant.
Hyr nedder. van deme ouerften throne
Byftu des leuendighes gades fone
So make dy ghesunt vnde vns darmede
Do antwerde eme vp fyne rede
De ander fcheker myt der vart
De tho der vorderen hant ghehanghen wart

He fprack hefftu nenen var
Synt dat wy fynt apenbar
Vp mo<r>th ghegrepen vnde gheuangen
Unde an duffe ghalghen ghehanghen.
Dat mach godt an vnf wreken
Wes woltu de rede fpreken.
He is vnschuldich hyrghekamen
Neyn quade is dar van em vornamen
He fprack here leue here.
Wen du kumft in dynes vaders ere.
So vorbarme dy auer my.
Myn fone fprack ick faghe dy
Du fcholt huten funder pyn.
[DIIv,01]Myt my an den vrowden fyn
Merket dy kynder iunck vnde olt
De funde is nicht fo mannichuolt.
God wil vns gherne tho gnaden vntfan
Wille wy gantze rowe han
[[M]]Aria dit hebbe ick wol ghehort
Berichte my de rede vort
¶ Ancelme hor wat me myt eme dreff
In den breff hadde he ghefchreuen
De fchult de de em de iōden gheuen
Ihefus is eyn konyneck der iōden
Darvmme laten fe ene doden.
Als de iōden dat vornemen
Tho pilatus dar fe quemen
Se fpreken pilate wy bidden dy
Schryff nicht dath he vnfe koninck sy
Men fchryff he hebbe gefpraken
He were eyn koninck dat hebben wy wraken
Pilatus fprack id is ghebleuen
Wat ick fchreff dat is ghefchreuen
He leet ene neghelen bauen syn houet
Vppe dath id worde prouet
Worvmme dat ene de iōden

So iamerliken leten doden

[[M]]Aria berichte my wat fe dreuen

Als de breff was gheschreuen

De ioden ghynghen vor em ftan

Unde repen ene an

Byftu Criftus gades fone

An de erden kamen van deme throne

Szo ftich van deme crutze nedder

So wille wy dy louen wedder.

[DIIIr,01]Als fe dit hadden ghedaen.

Myn fone rep fynen vader an.

Dath he em wolde vorgheuen

Want fe wuften nicht wat fe deden

[[M]]Aria nw wolde ick gherne weten

Worvmme hadde dy dyn fone vorgheten

Dat he dy nicht to en fprack.

Als he dy fo iamerliken fach

¶ Ancelme dath fcholtu vorftan

Eme wart fo vele tho leyde ghedan

He konde hebben nene ftunde.

Dat he my reche thofpreken konde

Men do he my fach vor fick ftan

Vnde ick was fo iamerliken ghedan.

Vnde was bedrapen myt deme blode.

De fprack my tho myt facht^m mode

Maria leue moder myn.

Du fcholt vaft in deme louen fyn

Du fcholt nicht werden vorfaghet

Wente du wereft eyne reyne maghet.

Do ick van deme hemmel quam.

Vnde mynfcheit va<n> dy nam

Uan deme hilghen gheifte vntfanghen.

Al byn ick hyrghehanghen.

Ick byn doch fchipper vnde godt.

Ick byn van dynem^m lyue vodet

Myne moder biftu vnde ick dyn fone.

Myn vader is an deme throne
Darvmme dencke an myne smerte
Dartho hebbe eyne stede herte
Du en scholeft nenen twiuel han.
Ick wyl dy nicht vorderuen laen
[DIIIv,01] [[M]] Aria faghe my wo dy were.
Als he dy trofede also lere
Vnde do du dyt haddeft ghehort
Gheueftu eme wedder yennighe wort
¶ Ancelme hore wat mochte ick spreken.
Myn herte wolde my thobreken
Ick sprack herteleue sone.
Hebbe dyner moder schone
Vnde lath my steruen myt dy
Myn leue kynt dencke an my.
Vnde lath my doch bliuen by dy.
Wes woltu my lengher sparen.
Lath my myt dy van hennen varen
Schal ick sone dyner entberen.
Tho weme schal ick my denne keren.
Myn leue sone vorbarme dy
Vnde lath des gheneten my
Du hefft myne brusten ghefaghen
Ick hebbe dy liefliken vpghetaghen
Du werest yo myn leitvordryff.
Wat schal ick vyl arme wyff
Schal my allene quelen
Weme woltu sone my beuelen.
¶ Ancelme ick dreff so iamerlike klaghe
Uele mher wen ick dy kan faghen
[[M]] Aria nu segghe my wat dyn sone sprack
Do he dy so drouich sach
Des scholtu berichten my
Weme hadde he beualen dy
¶ Ancelme des fyftu bericht
He leth my vmbewaret nicht

Nw mochftu horen wo he fprack
[EIr,01]Do he Iohannes by fick fach
He fprack leue moder myn
Iohannes fchal dyn fone fyn
Ick en kan nicht lengher by dy bliuen
De doth wil my vordriuen
Ock fcholtu nenen twyuel han
Ick wille dy nicht vorderuen lan
Ick late dy nicht vnderwegen
Du hefft my vp den armen ghedreghen.
Myne moder biftu vnde ick dyn fone.
Du fcholt in deme ouerften throne.
Sitten tho myner vorderen hant
He fprack iohannes nw wes bekant.
Vnde dencke dat ick nenen man
Alfo rechte leeff ghewan.
Maria fchal dyne moder fyn
Nw nym fe an de hude dyn
Du fcholt fe my wol bewaren
Ick moth nw van hennen varen
Men leue iohannes fta er by.
Recht alfe ick trowe dy
Vnte ghiff er io guden troft.
Se fchal drade werden vorloft.
Hyrmede he fick van vnf wende
Vnde gaff fynen reden eyen ende
[[M]]Aria dit hebbe ick wol vorftan.
Nw faghe wat wart da mher ghedan
Hore nw eyn iamerlike klaghe
Dat was by deme middaghe
De funne verlos eren fchyn.
Do rep de leue fone myn
Mit luder ftemmen hely hely
[EIV,01]Lamazabathani.
Dat is myn vader vnde myn godt
Myn leue vader vmme wat.

Heftu my fo fere vorlaten
Des konden de iöden nicht vordreghen
Unde ghynghen alle vor em ftan
Se fpreken he rope helyas an
Nw lath feen wat helyas doghe
Were he ene vns ycht nemen moghe
My dorftet fprack myn fone da
Des weren alle de iöden vro
Dat was ene wol beuallen
Etick mengheden fe myt gallen.
Unde rekeden em tho fyem munde
He fprack tho derfuluen ftunde
Als he den dranck hadde besocht
[EIIr,01]Unde tho graue ghekamen
¶ Ancelme hore dath fcholtu weten
Eyn de was Iofeph gheheten
De was eyn gadevruchtich man
Vnde was to pylatus ghegan
He fprack pylate leue here
Ick bydde dy fo rechte fere
Dat wy Ihefum grauen moten
Syne fchone moder eren iammer vorgete
Den iammer vnde dat herteleyt
Is fzo ghrot den fe begeyt
Se dryff<t> fzo kleghelike not
Wert he nicht begrauen fe fteruet do<t>
Pylatus deme wonderde fere.
Offte he alrede doth were
He fprack he fcholde orloff hauen
Dat he moſte ene begrauen
Do eme dat orloff was ghegeuen
Segghe wo fe eer dynck do a<n>kleuen
[[A]]Ncelme dath fchal dy entfermen
Iofeph ftech vp tho fynen armen.
Enen hamer hadde he yn fyner hant.
Dar he de neghele mede vthwant

Se weren ftump vnde darto ghrot.
He toch fe vth myt ghroter noth
Do ick dat anfach myt mynen oghen
Dat de neghele weren vthghetoghen
Unde he wol<d>e darnedderglyden.
Do grep ick ene vmme fyne fyden.
Unde voer eme vor fynen munt
Noch mher wen tho dufent ftunt
Do fyne vote weren loes
[EIIv,01]Wo drade dat ick de erde koes
Ick lede en an mynen fcho<s>
Syn lyff was eme van blode roth
Ick dreff fo iamerlike noth.
Uan ruwen mochte ick fteruen doth
Ick fprack herteleue fone
Wor ys nw dyne grote fchone
Der ick my tho vrowende plach
Owe den mortliken dach
Dath ick den fcholde leuen
Nw moth ick troftes vntberen
[[M]]Aria nw fcholde ick fyn bericht
Moyden fyck de iungheren nicht.
¶ Ancelme alfo rechte fere
Se hadden noch lath edder here
Angheftes weren fe al vul
[EIIIr,01]Uan vruchten weren fe dul
Iohannes quam herghelopen
So rechte iamerliken ropen
Vnde vyl em vp de bruft
Dar he ene dycke hadde ghekufft
He fprack O herteleue here.
Owe nw vnde yummermere
Wo yamerliken byftu gheschapen
Tauende do ick wart en<t>flapen
Uppe dyner borft fo gaff dyn herte
Soten dranck nw ghyfft yd fmerte

Peter dreff fo ghrote noth
He reep O here were ick doth.
O leue here vorghyff my
Dath yck vorfaket hebbe dy.
Maria magdalene quam
Vmme fynen hals fe ene nam
Se fprack Owe leue here
Dyt vorwynne ick nummermere
Wath fchal ick nw lengher leuen
We fchal my myne funden vor<g>heuen
Szo du here heffst ghedan
De yungheren quemen alle gheghan
Se dreuen iamer vnde klagheden fere
Se fpreken Owe leue here
Wes fynt wy vnderweghen bleuen
De yōden laten vns doch nicht leuen.
¶ Ancelme den iamer den fe dreuen
Den en vynt man nycht befchreuen
[[M]]Aria duffe fwaren wort
De ick van dy hebbe ghehort
De en horde ick ne myne daghe
[EIIIv,01]Berichte my wes ick dy vraghe
Haddeftu yennighen noth befeten.
Do men ene ghroff dat wille ick weten
[[A]]Ncelme dat fcholtu vorftan
de ghrote noth ftoth my an.
Do fe ene grauen wolden
Ick fprack ick wolde ene beholden
Ick wolde doth by em bliuen
Se fcholden my by em vntliuen
Er he my worde ghenamen
He were my nicht fo anghekamen
Als Iohannes dath vornam
Vyl drade dat he tho my quam
He fprack Maria ick bidde dy.
Dat du willeft fteden my

Dath ick graue mynen heren
[EIVr,01]Wy moten fyner leider entberen.

Du weft dat wol beth wen ick
Dath he fuluen wolde fick
In duffem daghe laten doden.
Iamerliken van den iöden
Ock weftu wol he wil vpftan
Vnde wil vns nicht vorderuen lan
Darvmme lat vns ene begrauen
Up dat he vns nicht werde ghenamen.

[[M]]Aria nw lat my fyn bericht

Antwordeft du Iohannes nicht

Ick antworde em vp deffe rede
Ick fprack wo hyftu my fo lede.
Iohannes lat de rede bliuen
Vnde lat my mynen kummer driuen.
My is doch noch tho leide dan.
Du mocht my wol myt vrede lan
De iungheren quemen alle here
Unde beden my fo rechte fere
Dath ick toem leften orloff gaff
Dath fe ene leden in dat graff.
Do he an deme graue lach
Ick vor tho en vnde fprack.
Ghy heren latet iw entfarmen
Unde grauet my vyl armen
By myn kynt dat is my noth
Ick fterue doch van rowen doth
Do dit was auer lanck
Se thoghen my an mynen danck
Vte deme graue ane were
Do wenede ick fo rechte fere.
Se wolterden den fteyn vp fyn lyff
[EIVv,01]Do fprack ick vyl arme wyff
Latet ene my noch eyns feyn
Eher dath de ghrote fware fteyn

Werde vppe myn kynt ghelecht
Anderwerue lep yck echt
Uppe dath graff do fach ick fyner nicht.
Wente dat was leyder al bericht.

[[M]]Aria nw berichte my
Wo langhe bleueftu darby
Dar dyn fone grauen wart
Uorthegheftu fyner myt der vart

¶ Ancelme hore was ick do dede
Ick gh<y>nck lygghen vp de ftede.
Dar myn fone vnder lach
Vyl yam<er>lyken dat ick fprack
Ghy heren ick bydde yw al ghemeyne
Dath gy my laten alleyne.
Vppe mynes kyndes graue blyuen
Unde laten my mynen kummer dryuen
Ick wyl wenen vnde fchryen.
Des wyl ick nicht vortyen.
Ick en fy gheftoruen doth
Do toghen fe my myt groter noth
So iamerliken in de ftadt.
Godt weth wol wat ick befath
Myne kleyder weren van blode roth
Dath dar van deme crutze vlot.
Do my dat volck anfach
Dat meyfte deel der vrowen fprack
O mylde godt van hemmelryke
Ne wart fo ghrot vnghelike
Uornamen an duffen landen
[EVr,01]Alfzo by duffem iunghen manne
Unde by duffer vrowen ys gheschen
Ne werlde wart de kummer gheseyn.
¶ Ancelme hore dat fcholtu weten
Dyt heft myn fone vnde ick befeten
Dyt fcholtu vyl degher fchryuen
Id fchal alleyne nicht by dy blyuen

Du fcholt et allen luden faghen
De dy darvme willen vraghen.
De moghen prouen yn duffen reden
Wat myn fone vnde ick hebben gheleden
Ock fcholtu des namen weten.
Ancelmus fchal de paffio heten
Hyr hefft de rede eynen ende.
God vns fynen vrede fende

Amen

[EVv,01] [[E]]yn beth des hillighen vaders Auguftini·
van demm gantzen lidende Crifti· Dar Sunder(=)
lynghe ghrot afflat to ghegeuen ys De tal des
afflates duffes bedes ys Lxxx M iar vorge(=)
uinghe dotliker funden Edder vorgheuinghe
aller funde. fzo eyn mynfche bichtet heffe vnde
myt warer rowe dit beth knyende fpreket xl da(=)
ghe naeenander al men hefft to Rome in fun(=)
te Iohannes latrans kerke.